

Kico haci si abuso sexual di mucha toca bo porta di cas?

Segun psicologo Tony Green

ORANJESTAD (AAN) Na Hulanda no tin expresion hopi usa, "als de kalf verdrongen is de milt men de put." Ta bon y necesario pa busca un cura enbez e daño ta haci pa asina evita repiticion di je, pero, sin duda ta mehor pa preveni. Segun e psicologo Green, a yega e momento na Aruba pa nos busca tur forma posibel pa nos preveni e pena di abuso sexual den nos hogarnan. Ora tende di otronan cu nan mester a enfrenta e problema horibel aki nos ta sinti'ele, pero ora e mesun situacion toca nos porta e dolor ta mil bez mas duro. Un otro proverbio ta bisa, "pieuw di bo mes cabez ta pica mas duro."

Pa purba bista cla di su ponencia publica den nos edicion di Diarazon, Green ta amplia awe cu su consulta abierto ariba e fenomeno di abuso sexual di mucha.

1. Con pa evita cu mi jiu lo ser abusa di dje? Mester splica aki cu hasta despues di tur esfuerzo

di parti di mayornan ainda por tin posibilidad cu por pasa toch cu un jiu lo por ser abusa sexualmente. Pero ta sigur cu si haci lo maximo e chens pa e sosode ta bira masha chiquito.

Pa cuminsa cada mayor mester cuminsa na reconoce concientemente e balor inmenso di nan jiunan y den e caso aki nan jiunan muher (aunke mucha homber tambe sa worde abusa sexualmente).

Bo jiu tin un balor incalculable, mester reconoce esey. Cada mucha ta un berdadero hoja y un regalo di Dios. Si mayornan por reconoce esaki lo cambia totalmente nan acercamento di nan jiu.

- E balor aki lo trece cu ne automaticamente e precaucion cu e mucha mester pa cuminsa na evita cosnan baho manera e topico aki.

- Tambe lo duna e mayor un bista totalmente diferente ora mester decidi kico ta mas impor-

tante...un mehor entrada, mas placa pa gasta of mi presencia pa un jiu ora e ta na cas.

- Tambe lo duna e mayor e dedicacion necesario pa duna atencion na e mucha regularmente y specialmente ora e mucha ta sinti mas nesecidad pa atencion.

- Mayornan lo fada menos ora mester gasta hopi ora cu nan jiu. Ta netamente pa e motivo aki hopi bez un tio o omo pa abuelo ta esnan cu ta bira culpito di e delito aki, pasobra parce cu nan ta fada hopi menos ora mester ta cu e mucha y asina ta haña e oportunidad pa e abuso sosode. No cu nan tin mas balor pa e mucha pero cu nan ta probecha di e echo cu e mucha kier tanto atencion.

- No permiti mucha (no ta importa su edad) cana rond sunu den cas y den presencia di otronan. E mente di e ser humano ta corumpi y no por ser comprendi completamente (hasta Bijbel ta spierta di esey).

Un mucha sunu por ta suficiente pa pone e mente corumpi di un adulto permiti pa su impulsanan decepcion. Ta un echo cu un hende homber ta worde stimula sexualmente solamente di mira un curpa di un mucha tambe por stimula cierto tipo di mentenan.

- No permiti bo jiu sinta riba scocchi di otro sin mas y sigur den bo ausencia.

- Haci tur posibel pa bo ta sigur na cada momento cu bo sa na unda y cu ken bo jiu ta. Bo vigilancia no por ta mucho nunca.

- No falta di sigura bo jiu di bo aprecio y amor pe'ele. Esaki no ta demostra den lagando e haci loke e kier of den dune'le tur cos cu e kier, pero mas bien den un tipo di disciplina carinoso, den un estructura ordena na cas, den abrasos fisico. Tur mucha kier ser teni y brasa pa nan mayornan. Nan ta haya seguridad den esey.

- Percura cu abo como mayor ta den total control di e mucha su

orario diario y cu su dia ta jen di cosnan educativo y placentero pa haci.

- Na edad jong caba mester cuminsa educa e mucha di e diferente peligernan di bida. Hopi bez mayornan ta sinti cu ta mucho trempa pa cuminsa spierta muchanan di cierto cosnan. Pero hopi bez un mucha ta capta e esencia di algo hopi bon mes aunke nos lo por pensa cu no.

Mañan lo sigui cu e otro pregunta: "Si acaso esaki sosode (abuso sexual di mucha), con pa mi detecta esaki na tempo pa cuminsa tuma pasonan adecuado p.e. no sigui?"

Hopi tabata e reaccionnan positivo di e articulo di Diarazon y psicologo Green ta nota cu tin un berdadero preocupacion grandi den nos comunidad pa cu e problema aki, pues, motivo pa cual ta duna asina hopi espacio na su contestanan y consulta abierto.

Nelson Mandela a manda carta pa Juliana School

+2978-23688

TRUST ADMO U

104 P02

MAY 18 '90 08:27

Nelson Mandela

8115 Vilakazi Street, Orlando West
P O Orlando 1804 South Africa
Fax (011) 936 8557

JULIANNA SCHOOL
GEORGE MADUROSTRAAT NO. 1
ORANJESTAD
ARUBA
DUTCH CARIBBEAN

30 APRIL, 1990

Dear Friends,

Thank you so much for your recent letter. Your consideration and continued support is appreciated. This moment is special for me, for my family and for freedom loving people around the world. For my people, the people of South Africa, both black and white, it brings hope for the day break of freedom.

Sincerely,

Nelson Mandela
Nelson Mandela

ORANJESTAD (AAN) -- Den un carta cu a wordo recibi dia 17 di Mei ultimo, alumnonan di Juliana School, a wordo gradici pa e vice presidente di e African National Congress (ANC) y activista anti Apartheid na Sudafrica, Nelson Mandela, pa nan consideracion y apoyo continuo.

E carta aki ta respuesta riba un carta cu e alumnonan di Juliana School a manda pa Mandela, expresando nan solidaridad y alavez felicit'e cu su libertad, e carta a wordo manda dia 13 di Februari.

E gesto aki a cuminsa como consecuencia di e lesnan di Maatschappijleer den cual e alumnonan di 3er y 4to Mayo a haya splicacion tocante e desaroyonan na Sudafrica, e historia di Nelson Mandela y ANC y e posible liberacion di Mandela. alavez e alumnonan a haya

e tarea di sigui e sucesonan en cuanto Mandela na radio y television. Esaki a entusiasma y impresionar e alumnonan di ta forma cu ora den les di ingles e alumnonan di klas 3A a haya e tarea di skirbi un carta, unanimamente nan a decidi di skirbi un carta pa Mandela, expresando nan solidaridad y a la bez felicit'e cu su libertad recobra.

E resto di e alumnonan di Juliana School a apoyanan y casi tur a pone nan firma bao di e carta.

Pa e alumnonan di Julianaschool esaki ta un logro grandi, ya cu di un forma simple y educativo nan a sa di duna number di Aruba reconocimiento, mustrandu cu, aunque nos estudiantenan ta biba riba un isla chikito, nan ta interesa pa sucesos internacional y a la bez ta sinti nan mes envolvi den tal asuntonan.

Bunita e muraya di santana a keda

ORANJESTAD (AAN) Palabra di elogio a drenta na Redaccion di DIARIO pa e bon trabao cu Comision di Santana y di Pastorie pa e bon mantencion di e santana.

No solamente cu e santana ta bon teni parti paden, pero awor cu e bunita verf cu el a haya e

siman cu a pasa ta muestra cu Santa Cruz tin bon atencion pa su santana. E cura di Kleuterschool Trupial a keda bunita tambe, pero e cura di Estrella Club si ta mahos y sushi.

Awor ta keda na directiva di Estrella pa pasa un bon man di verf riba e cura pa asina e entrada di Santa Cruz keda bunita.